



職方典第一千三百一卷

廣州府部彙考三

廣州府山川考三

府志

龍門縣

了髻山在縣城西南一里巔有兩峯若了髻然又謂之幼女嶺是多嶺巖之石

石馬山在

縣城西南二十里以形似名其草多蓬蒿其木多檀栢

八字山在縣城東北十五里以形

似名其山下接河源按縣志其土細潤可造瓦器

明月山在城西南四十里其木多沙棠

桂峯山在縣城西北五十里其鳥多鷓鴣

雙石山在縣城東二十里平田突起兩石對峙

按縣志其石可燒灰有沃田之利

牛頸山在縣城北三十里下有小溪二石對峙以阨水

口石上有兩虎跡名虎跳石

人面髻山在縣城西南三十二里其山銳而峻

甘田山

在縣城西南一百里聳於平田其上多草木有鳥焉如山雞而利距善鬪毛彩鮮明五色炫耀

其名曰鷄驪又西南一里曰馬跡山是多怪石又北三里曰犁石山以形似名

天嶺山在

縣城東四十六里其高千仞多楠籐黃竹其下爲芒岫按縣志廣輿記在金牛都東埔何村二鄉之重鎮 岑曙山在縣城東北八十里多異花草一名岑曙洞天中有西雲會仙二岫其

下飛泉諸屈可以流觴

鳳凰山按縣志俗呼丫髻山在縣北五里高百丈雙巒並峙如鳳

凰和鳴爲縣後護

捲龍山按縣志在詹村堡面鳳凰山而若揖之陡削森聳蒼翠菁葱四

面望之變態不一其極頂處數里平曠中有虛洞人以爲神仙窟宅云

桂峯山按縣志在

縣北七十里多桂花秋風時來香聞十里

虎獅山按縣志在縣西五十里山形似虎獅相

踞下有蛟穴飛泉自上注之

陳岫山按縣志在縣西六十里其脈來自庾嶺勢如樹旗上

有石佛居民四時祀之有禱輒應

東湖山按縣志在縣南百餘里層崖疊嶂飛泉漱石多

禽鳥草木之異

蓼溪嶂在縣城南二十五里孤峻青翠一曰招賢峯按縣志挺出諸山之

表四望皆見

黃嶺在縣城南二十里是多黃色之草新志四山草木俱青獨此多黃色故

名黃嶺

石鼓山在縣城南四十里有石如鼓扣之則鳴

彭祖嶺在縣城南三十里有

彭百歲者嘗居其下因得名

望雲嶺在縣城西南三十三里多草木有白雲覆之其下有

射臺九淋之水出焉新志作望雲峯

油柑嶺在縣治南二十里高下盤曲綿亙十餘里陸

行出增城往來要路

聖礐嶺按縣志去縣南八十里上有喬水中有石礐流水九曲注爲

飛泉百十丈下有深潭不測歲旱以紅鐵投之則霖雨驟起邑人時攜酒往遊以浮杯逐暑爲樂至有猿鶴戲人而投以木果者實龍門勝槩云

天柱嶺按縣志在縣南一百里高數十

仞世傳絕頂有羅隱牀及題跡于上

招賢峯按縣志在縣東南三十里引脉羅浮爲縣治

前障巔有池曰臥鹿方二丈隆冬水潤不竭

青帽峯在縣治南三十里其峯高聳前有長

灘按縣志明淨則晴雲籠則雨

仙歌峯在縣城東南三十六里相傳昔有遊仙歌於此春

夏陰瑞光現焉

神仙巖按縣志在縣東十五里怪石嵯峨高二十丈周圍十里下有空洞

隙光中有石磴天成可坐百人旁通一孔可行一人

白牛巖按縣志高明峒山巖俱白石

望之如堆雪

和尚巖按縣志在縣東三十里有石庵一所可坐五十人庵門外有石如醉

僧倒睡於地

扶登岐在縣城北五十里夾水壁立其山險峭如龍焉其獸多獐獬舊志凡

有登者必扶杖乃可升

蝴蝶岡按縣志在西林都自縣治拏舟而下人指爲雙蝴蝶稍久



縈迴望之林巒對峙翩翩若舞瞬息間色態迥異杜工部所謂娟娟過幽幙者恍然在目一奇觀也 麒麟岡在縣城東二十里以形似名其上多松按縣志相傳有麒麟產於此故名在

大坑王賓二鄉後鎮

七星岡按縣志東南西北之中平原突起大小相聯若天之七星縣

治在隈隩處後山圓翠名樞精岡爲縣中樞故以名之從西南逶折起一圓嶺在學後名璇岡又自學後拖轉而西起一圓嶺名璣岡臨河而止爲縣白虎又自樞精岡東出而南起一圓嶺名權星岡復轉而北起一圓嶺名衡岡自北逶折而東北起一圓嶺在城隍廟後名闔陽岡自廟後逶折而東起一圓嶺名搖光岡爲縣青龍珠聯不斷於邑中故云七星嶺 童子讀書

石按縣志在石馬山旁有五石宛然五童子石臺石磴森列平敞二大榕陰其上

交牙石

按縣志在上建溪之最險者

鷓鴣石按縣志在縣西五里河水中數石平突頭頸羽翼俱

全若鷓鴣然

仙女石在縣城南六十餘里以形似名其下有石如鼓擊之有聲舊志闕五

尺高一丈其上花木苔蘚斑剝下垂恍若鬢髮按縣志秀拔參天兩石相拱如人形

屏風

石按縣志在縣東三十里屹立平原奇花異卉四時不斷宛然一方屏障

香爐石以形似

名 鷄化石按縣志在縣南一百里抵增城界石上鷄跡顯然 將軍石上有巨人跡又

西七里有牛跡石 鹹茶石按縣志在詹村溪中高大二丈宛如巾箱昔村中一樹產茶摘

煮如斥鹵石其根幹也今其地猶名鹹茶村 虎跳石按縣志在縣南三十餘里河水中兩

石相對高丈餘上有虎跡深四寸許下有深潭名虎跳潭 應石按縣志在縣東二十五里

外竇中虛舟楫往來叫笑之聲大小相應 仙人牀石按縣志在縣南三十里油田峒中石

上平坦如牀故老所傳仙人昔嘗踞牀圍棋而去 仙人洞在縣南一百里天桂嶺上洞可

容二百餘人藍蕤江源賊鄉民鄉民羣避其中數隙容光莫測出入處內有石牀石竈石椅石

臼石井泉從井出大旱不竭又佛像莊嚴如人工彫琢然昔一丸泥可封今則大闢境界矣

九淋水一曰龍門水在縣城南一里源於從化東南過望雲嶺合於增江又西南流合於粵江

入於海其中多鰻鯉 鐵岡水按縣志在縣西七十里源出金山逕流抵永清界可通小舟

土湖水在縣西四十里 高明水按縣志在縣西北七十里源出流溪從化界可通小艇

白沙水按縣志在縣東五里源出虎獅山居民築陂車灌田 路溪水按縣志在縣東五十

里源出鐵坑可通舟楫

墨湖水按縣志在縣南七十里源出陳禾峒

高沙水按縣志

在縣南六十里源出甕泉可通竹木筏

藍窩水按縣志在縣南七十里源出黃沙峒居民

築陂車灌田

鰲溪水按縣志在縣南一百里源出博羅界山沿溪俱築陂灌田

永清

水按縣志在縣南一百里源出藍糞大山中可通舟楫

熱水潭按縣志在鷓鴣石上隆冬

水煖可浴

大魚潭按縣志傳有大魚漁人捕之忽化去故名

獨石潭按縣志在南門

外三里石峙中流下有潭蛟龍時出沒

石壁潭在縣城東十里有石高數仞

賭婦

潭在縣城東南十里其水不廣而深有烈女死於此因名新志西淋都張克和與廖溪李友全爲幼婚張之子既長而貧李遂悔親女不知也龍門俗婦女皆樵採女方樵採遇媒語之故女指潭誓曰配合義也富貴命也吾豈以貧而改適哉苟如是吾死於此後父母終不允女果投潭而死鄉人義之遂名爲賭婦潭

嶽潭在縣城西北十里有石如門其水匯縣治在東埔何村之界澄清凝靜深碧涵天有石其狀如鼓俗名岳鼓又東一里曰鰲溪潭其側有鑿石潭石壁高峭斷其通路峒人主簿鄧卯孫始鑿通之人馬乃可行

東澗在縣城北六十

里層崖疊巘石飛泉可供遊玩林越詩江山隨處可張眸有約難虛此度遊行李挑來巖月動杖藜撐處野雲浮飛泉弄雪千山曉古樹驚風一葉秋好是新詩吟不盡碧天如畫水長流銀湖塘在縣城東南十二里其水瑩而白其中多鯢鱗 白花磬在縣城南三十里巖高十丈水激石而出 石龍坑在縣城南三十二里有兩石如龍角水流其中可以流觴又南一里曰羅漢灘中有圓石絡繹而立 甕泉在縣城南三十里石孔十二流水滃如按縣志有石如甕大小者七大徑二丈小一丈其深莫測上有泉水自石面湧出以入於甕而漸達於下其性甚烈 溫泉在縣城南二十里源於石巖其水熱舊志在罕陳都深五尺廣二丈餘可以退鵝鷄毛羽 神仙井按縣志在縣西三十里其泉在石壁三孔流下一名飛泉井

林村陂在縣東三里

石陂在縣東七里

麟岡上下陂在縣東十里

陳峒下陂在

縣西二十里

澗頭陂在縣西五里

蓮塘陂在縣北十里

石衝陂在縣北十里

鵝公陂在縣北十五里

九牛陂在縣西七十里

埔田陂在縣西七十里

濠雙十

二深按縣志在上建迂迴陡瀉龍門溪之極險者

白水濬按縣志山頂有水從石罅下望



之如界練

新寧縣

三台山在縣北一里按縣志三峯聳秀象如三台星因名

連珠山按縣志在縣城東南者

有三山相連二在城外一在城內其在城內者曰東山舊有亭閣足供遊人舒嘯今雖廢而邑人士每以九日攜酒于山上登眺

寶鴨山在縣西一里

馬鞍山在縣南一里以形似

名

石人山在縣北二里按縣志石起山巔立如人形傍有數石峯如天半碧蓮又名石華

山識云石人嶺上置更鼓浪波游魚出狀元浪波村在縣西游魚山在紫霞之右兵備王大用射三矢於石以示武勒之曰石化山

官來山在縣東北四十里

石鼓山在縣城東二

十里有石擊之其聲如鼓又東四十里曰百峯山其獸多獐鹿其木多松梧

上川山在縣

城東十里多香蠟材木其下曰下川山

文運山在縣城東八里四山環峙其上有宋義士

伍隆起墓下有香頭村

紫霞山在縣城西七里有雲霞下臨碧水舟多艤焉又西八里

曰那西山

了髻山按縣志在縣西狀如了髻上有奇石石上有小池四時有水蓋名山也

甘蔗山在縣城南五十里有草味甘如蔗

龍溪山在縣城南六十里有石室深廣數仞按

縣志世傳劉三妹蛻骨於此

銅鼓山在縣城南百里下瞰海洋風濤觸石如銅鼓聲

鳳凰山在縣城南六十里有仙人石室遺跡

紫羅山在縣城南七十里其峯孤秀多松蘿

蓆帽山按縣志在縣南

西華山按縣志卽那西山在縣西

龍頭山按縣志在黃沙坑

之右北坑之前

潯洋山按縣志在縣東北峯巒高聳俯瞰潯江左一峯上有石室室內有

二石如麻籃水盤下有石壁數丈橫闊丈餘瀑布沿壁而下光濺如珠名曰石澗珠簾

斗

山按縣志孤峯獨峙員潔如斗接脉而居者名曰斗峒

岡背山按縣志下枕江流上有神

石土人祈禱多應

松子嶺按縣志在塘村之右有宋尙書李喬木夫人伍氏墓

寺山

按縣志卽寶國寺後山有大石石有仙人趾跡下有泉池

銅鑼石山按縣志廣海中有

石如銅鑼風濤撼之聲聞十里

大隆山按縣志在海煙之間與甘蔗山連接峯巒疊聳徑

路深阻有猿人住其中

流波石按縣志屹然砥柱中流而水浸不沒蓋奇石也

紫霞

海在縣城西七里紫霞山下其中多魚鼈按縣志岸有接官亭久廢

那平海在縣西十七

里又西二十五里曰法竹海

潯陽海在縣城北四十里

斗峒瀆按縣志綠園諸鄉

遡夾而居襟帶潞洞能資灌溉陳白沙集有綠園伍氏族譜序

九曲涌在縣北四十二里

半塘海在縣城南四十二里其中多蟹蠃多張魚按縣志發源馮村流會廣海水大而深險易緩急以風而變 亞州海在縣南四十五里又南四十里曰雙峒海有渡又南八十五里曰

大牌海其中多蠃蝦多赤魚多曹白魚

銅鼓海在縣城南一百里其中多龜魚多苗蝦水

草多紫菜鹿角菜

寨門海在縣城西南二百里產魚鹽按縣志大而深

網洲海在縣

西南二百五十里爲番舶往來之衝

雷公潭在縣南一里按縣志昔有龍興於此迅雷風

烈忽作因名

南門河按縣志在縣南教場之前

湯湖在縣南

白廟河在縣西北

三合水按縣志在縣西南成化初邑治未分縣丞陶魯以新會至廣海由厓門出大海洋有風濤之險且多海寇舟憚往來建議由法竹上流三合水因其故流小水開鑿由魚塘至黃塘二十餘里通甘村水然水勢高下莫能注接竟不成功今遺趾尙存 泥涌河按縣志在縣南

改鹿爪渡頭於此

石坂潭祈雨多應

荔枝塘中有晉門

龍頭河按縣志接流法

竹出而與長沙河會

望峒河按縣志與經峒河同發源

金門海按縣志在上川左今

禁

增城縣

鳳凰臺山舊名春岡在縣城西南一里今縣之南街唐時有五色鳥集此因名宋崔與之故宅在焉其陽有菊坡祠宇 白水山在縣城西四十里屹然若巨屏其上有瀑泉懸注如練其

鳥有五距鵲又一里曰佛跡巖其東湯泉之水出焉蘇軾詩湯泉吐艷鏡光開白水飛虹帶雨來勝地鍾靈傳異事巨人留跡寄蒼苔 古散山在縣城西五十里其山布散不屬有草焉

其本如藤其葉如葵節密而心實其名曰矮竹按縣志南流出神岡及白岡可通舟又西五十里曰丁澗山兩峯相距其中有泉流於西南 古華山在縣城西六十二里形若垂蓮其麓

宋崔與之墓在焉

娥眉山一名南鄉嶺在縣南七十里清湖都通志作南樵山極高峻周

迴百里有丹室下有石庵湛文簡建書院於此曰蓮花書院上有霍文敏墓

帽嶺山在

縣城北三十里其上多松竹舊志形如蓆帽日明則晴烟籠則雨

靈山在縣城北六十里



上有仙女石旱禱輒應按縣志體勢甚高而頂上寬平週廻三百里後抵從化縣界南有石巖巖左有大白石又謂之七姑仙女石積水出焉可灌田千畝 鷓鴣山在縣七十里其鳥多

鷓鴣有獸焉如豚而徧體皆刺善射人其名曰鵲按縣志峭壁雙立其一差小俗呼爲大小鷓鴣從化學正向之因改名雙鳳山白泡水出焉山下有渡 招賢山在縣城北四十里其上

多瑰石按縣志在崇賢都昔有賢者隱此故山與都皆以賢名又北七十里曰鷓鴣山多奇石又北三十里曰石龍頭山巨石突起下瞰長河 羅浮山在縣城東一百三十里與博羅縣

接境昔有山浮海而來傳與羅山合而爲一故名前漢地理志博羅縣曰傳羅後傳錄日久訛傳爲博此山高三千六百丈上有三十六洞七十石室四百三十二峯洞之幽者曰朱明此洞三十六中之一也天寶初詔欲尋是洞時邑簿任知宣領耆舊尋見一洞以藤筐籠石垂一人下約五丈餘下視無底日月星辰無不備初有白雲須臾散漫五色曰黃龍曰水簾曰蝴蝶曰朱陵曰金沙曰白石峯之高者曰聚霞又曰飛雲據絕頂高三百丈周二十里其次曰麻姑曰玉鵝曰仙女曰會真曰錦繡曰玳瑁有奇石高六百丈廣七十丈綵爛若霞錦謂之瑤石臺又

有大小石樓孤秀如樓閣然相傳唐武后時有邑女何氏有神仙之術持一石置小石樓之上遠觀如畫上有鐵橋其形如鞍在石樓之間高五十餘步下有花首臺開元間嘗有五百花首菩薩建臺於上又有龍公竹大徑七尺圍節長丈二嘗有鸞鳳棲宿有碧鷄或羣飛或獨鳴可見而不可取又有紅翠鳥又有啞虎不哮齧其諸神湖玉樹珍禽玉草記莫能悉其下羅水出焉又其下有卓錫泉又其下有梅花村又其東麓則接白水山 百家山在縣城東十里其

上多草木多竹

陳峒山在縣城東北二十里形若豎旗下有石庵有石佛其獸多石羊其

鳥多駿驤

虎獅山在縣城東北二十一里以形似名上有泉下瀉成淵其中有龍多鬱金

草

陳石山在縣城北四十二里有石秀銳若筆其上多石心木

流防山在縣城南十

五里狀如卓筆其下防水出焉按縣志在長沙鄉今屬龍門縣地

角子山在縣城東五十

一里接於博羅無草木多瑰石

窰石山在縣城東南六十里其上平坦有石黑若窰山無

草木

猊山在縣城東南二十三里其上多異竹一統志產婆羅竹圍三四尺性堅土人取

以爲弓

龜峯山在縣城西二里邑人重九每登之一曰登高峯

金紫峯在縣城西南

八十里多異花草山形如旗朝旭暎之其色若金削芙蓉故名又西十五里曰五馬峯又西南十里曰藍袍峯又西一十里曰雙魚峯峯前有夷慶寺相傳宋時闢基得銅鐘下覆雙鯉今建橋其上謂之仙鯉橋 焦石嶺在縣城東五里其石赤與羅浮相望焉相傳浮山自海浮來

與羅山合故謂之羅浮與此嶺相望若礎於此也故又謂之浮礎岡按縣志浮礎岡高三百餘丈盤據二十里上多石鼓奇怪 歐陽嶺在縣城東二十五里羅浮之西昔有歐陽氏居此

雲母嶺在縣城西二十里其中多雲母石日出照之晃耀按縣志產雲母石故都以此得名亦名丹丘按通志唐武后時縣有何氏女服雲母粉得道 鳳凰岡在縣城東南二十里以形

似名舊志或言宋時有五色鳥集此李朝詩墓在焉下有鳳凰鋪 烏石岡其石黑按縣志

縣西南七十里在石下村後高三十餘丈其形如鐘其色如墨亦名鐘墨石又西有劍跡石

景星巖在縣城北一百一十一里中有石如臺閣或如修廊或如鼓擊之有聲石乳流結如寶

蓋旂幢其中幽竇

燕石在縣城西南六十里其狀如燕下有洞可坐三十餘人

鶴峯

按縣志學宮之後山也兩峯城跨其巔

鳳凰嶺按縣志下有泉水可煮鹽其鄉名鹽坑

牛牯嶂按縣志縣治後屏也連互雲霄距縣八十里

澄溪山按縣志在縣西北七十里崇

賢都上有仙女石併石磴澄溪水出焉出箭幹洞經流臘埔至三江合流於增江

峯門岡

按縣志在縣北七里兩峯對峙如門

飛泉洞按縣志在縣東八里世傳葛洪嘗煉丹於此

有礪藥石又兩石壁立如門中有張老巖又有醉眠石皆大書一水從石罅中流潏洄百折遊

人取小石障下流以蓄其勢乃兩兩夾曲而坐使人酌杯酒置上流聽浮杯至前輒取而飲萬

曆壬子署縣事桐城劉引昌因偕戶侯張永燦邑人單守敬黃拱寅輩構亭以迎瀑布之勝

白木峒山按縣志在邑治之西亦名郭婆園嶺上多茂木崇峙峻整與焦石嶺等

元德山

按縣志距縣一百二十里與番禺爲界山上有土丘百丈高數十仞名曰仙人大座山大木叢

林奇巖怪跡翳蔚盤踞

寨嶺按縣志邑治之南二里今名多嶺當百花林增江二水合流

之口上建鴈塔隆慶四年士民合築於嶺之絕頂塔北面爲宮奉文昌神以主鴈塔之祀塔嶺

南下有塘曰磚窰坵塘約二十畝儘南至溪西至田東至海屬官在增江下流二里洲浮水中

曰鴈塔洲卽通志及羅浮志所載別情洲其地平曠水環之約二十餘畝未經種植屬官萬曆



四年合邑士民呈出姦僧違例欺隱龍山新興二廢寺土名鷄啼涌等號田及泥紫村園三十六個共稅一頃三十三畝知縣王良心通詳當道撥僧明桂照例補餉連前田園赴雁塔居守南山按縣志與豕嶺對峙山下臨江爲釣魚臺山頂建翔鳳塔萬曆六年士民合建撥道士居守所管各祠田地山塘共三頃九十畝四分七釐八毫望州岡按縣志豕嶺之南去縣二

十餘里橫互隆嵒官道出其左登絕頂一眺千里凡廣州勝槩咸在目中故名大墩嶺按

縣志去縣八十里在清湖都橫枕大江水口增江在縣城東一里源於防山東南過石灘

舊志云源出陳峒山東流而南合於防水西流七十餘里始爲增江新志云源出防山上至西林可通船筏下至石灘西南入於海古散水在縣城西六十里源於古散山南流過神岡

達於白江洲可通舟筏白水在縣城西四十里源於白水山澄溪水在縣城北五十

里源於鷓鴣山南流合增江通舟船入於海舊志作程溪天塘水在縣城西七十里其水

潏洞注於田風湖在縣城南三十里方廣六十丈其水匯舊志云深不可測四時澄清

別情洲在縣城南二十里其地平曠水環之洲南十五里曰牛潭其中有金牛是多怪異南越